

之事則乘相制之術昭昭乎前列其狀矣

雲笈七籤卷之十五

雲笈七籤卷之十六

優六

三洞經教部

經

靈寶洞玄自然九天生神章經一名三寶大有金書

天寶君者則大洞之尊神天寶丈人則天寶君之祖氣也丈人是混洞太無元高上玉皇之氣九萬九千九百九十億萬氣後至龍漢元年化生天寶君出書時號高上大有玉清宮靈寶君者則洞玄之尊神靈寶丈人則靈寶君之祖氣也丈人是赤混太無之氣九萬九千九百九十萬氣後至龍漢

閉圖化生靈寶君經一切至赤明元年出書度人時號上清玄都玉京七寶紫微宮神寶君者即洞神之尊神神寶丈人則神寶君之祖氣也丈人是冥寂玄通元無上玉虛之氣九萬九千九百九十萬氣後至赤明元年化生神寶君經二劫至上皇元年出書時號三皇洞神太清太極宮此三號雖年殊號異本同一也分為玄元始三氣而治三寶皆三氣之

靈寶洞玄自然九天生神章經

大有金書

尊神號生三氣三號合生九氣九氣出于太空之先隱乎空洞之中無光無像無形無名無色無緒無音無聲導運御世開闢玄通三色混沌乍存乍亡運推數極三氣開光氣清高澄積陽成天氣結凝滓積滯成地九氣列正日月星宿陰陽五行人民品物並受生成天地萬化自非三元所有九氣所導莫能生也三氣為萬物之根故三合成德天地之極也人之受生於胞胎之中三元育養九氣結形故九月神布氣滿能聲聲高神具九天稱慶太一執符帝君品命主錄勅籍司命定算五帝監生聖母銜房天神地祇三界備守九天司馬在庭東向讀九天生神寶章九過男則萬神唱恭女則萬神唱奉男則司命敬諾女則司命敬順於是而生九天司馬不下命查萬神不唱恭諾終不生也夫人得運生於人道灌形太陽驚天駭地貴亦難勝天真地神三界齊臨亦不輕也當生之時亦不為陋也所以能愛其形保其神貴其氣固其根終不死壞而得神仙骨肉同飛上登三清是與

三氣合德九氣齊并也。但人得生而自不能尊其氣貴其形實其命愛其神自取死壞離其本真耳。九天生神章乃三洞飛玄之氣三合成音結成靈文混合百神隱韻內名生氣結形自然之章。天寶誦之以開天地之光靈寶誦之以開九幽長夜之魂神寶誦之以制萬靈太一誦之以具身神帝君誦之以結形九天誦之以生人學士誦之以昇天。鬼靈聞之以昇遷凡夫聞之以長存幽魂聞之以開度枯朽聞之以發煙嬰孩聞之以能言死骸聞之以還人三寶神與萬品生根故非鬼神所知。凡夫所聞也。夫學上道希慕神仙及得尸解滅度轉輪終歸仙道形與神同不相速離俱入道真而無此文則胞胎結澤死氣固根真景不守生氣無津九戶閉塞體不生神徒受一形若寄氣而行學得此法可坐致自然。三寶尊重九天至真秘之大有九重金格紫陽玉臺自非天地一開其文不出元始禁書非鬼神所聞竊之者風刀萬劫魂死無生依科奉法形神同仙三元宮中宿有金名紫

字刻書來生應為三清神仙之人當得此大有其緣會當齊金寶奉師効心依科盟受閉心奉行慎勿輕泄風刀考身修行之法十日長齋不關人事諸塵漏盡衷心默念清心執戒入室東向叩齒九通調聲正氣誦詠寶章誦之一過聲聞九天誦之二過天地設恭誦之三過三界禮房誦之四過天王降仙誦之五過五帝朝真誦之六過魔王束身誦之七過星宿停關誦之八過幽夜光明誦之九過諸天下臨一切神靈莫不銜軒一過徹天胞原宣通二過響地胎結解根三過神禮魂門練仙四過天王降仙魄戶開關五過五帝朝真藏府清涼六過魔王伏諾胃管生津七過星宿朗明孔竅開聰八過幽夜顯光三部八景整具形神九過諸天下臨三關五藏六府九宮金樓玉室十二重門紫戶玉閤三萬六千關節根原本始一時生神九編為一過一過周竟三界舉名五帝友別稱為真人十過通氣制御萬靈魔王保舉列上諸天百過通神坐致自然太一度符元君受生千過通靈

坐在立亡仙童玉女役使東西萬過道備馳騁龍駕白日登晨
元始天尊時靜處閑居偃息雲宮黃房之內七寶幢中熙夷養素空碧鍊真狀咀洞惠俯研生神理微太混嘯朗九天是時飛天大聖無極神王玉輔上宰四協侍晨清齋建節侍在側焉慈瓊顏而妙威仰靈眸而開於萬神章而踊躍餐天音而蒙主敢乘機而悟會冒靈盼而披心於是飛天大聖無極神王前進作禮稽首而言上白天尊賤臣幸會得仰侍靈軒不以短秩叨渥冥津重悟疑玄位登神王總御生死領括天仙賞監七覺遠覽遐方雍觀上宰對司侍晨方當乘機應會復九太陽洞理陰符撫掌兆民大運將期數終甲申洪流蕩穢凶災稱天三官鼓筆料別種人考算功過善惡當分自赤明以來至上皇元年依元陽玉匱受度者應二十四萬人開皇以後數至甲申諸天選叙仙曹空廢官僚不充遊散職司皆應選人依元陽玉曆當於三代更料有心積善建功為三界所舉五帝所保

名在上天者取十萬人以充其任又當別舉一十二萬人以充儲官如此之例或以宿名玄圖或骨像合仙或以減度因緣轉輪或以篤好三寶善功徹天或供養師寶為三官所稱或修齋奉戒功德積感或施散財寶建立道堂或救卹窮乏載度天人或為三師建功充足天官有名考算簿錄三官相應皆逆注種名上下有別毫分無遺又九幽之府被東華青宮九龍符命使拔九幽玉匱男女死魂宿名有善功德滿足應受開度者取三十二萬人以充甲申驅除之後開大有之民當此之時生死交會善惡分判得過者真為樂哉然三官相切文墨紛紜龍門受會鳥母替仙萬聖顯駕晝夜無闕功過平等使生死無偏此之昏闇亦臣之憂矣大期既切觸事關替恒恐一旦受羅公門伏聞天尊造大慈之化垂憐蒼生開九天之奧以濟兆民明科有禁戒非賤臣所可參聞然大數有期甲申垂終運度促急大法宜行使有心者得於考算之中聞於法音開示於規聽勸化於未悟者也

緣於上陳懼觸天顏願見哀愍賜所未聞於是天尊撫机高亢凝神遐想仰誦洞章嘯詠琳琅良久忽然歎曰上苑虛漢理微大幽道達重玄氣冠神霄至極難言妙亦難起子既司帝位受任神王飛天翼於瓊闕四宰輔於

明輪退盼極覽領綜無窮雅和萬化撫料蒼生今大運啓期三五告辰百六應機陽九激揚洪泉鼓波萬災厲天四宮選舉以充種民三代昏亂善惡宜分于當勞心兆庶疲於三官興廢之際事須爾能今以相委其勉之焉寶書妙重九天靈音施於上聖非鬼神所聞明真有格四萬劫一行今冒禁相付子秘之矣慎勿輕傳登命九天司馬侍仙玉郎閣紫陽玉芟雲錦之囊出九天生神王章四輔別位五老蓋真太一命辰玉帝唱盟一依俯仰明真具典南向長跪以付飛天無極神王法事既畢諸天復位天尊重告飛天神王此九天之章乃三洞飛玄之氣三會成音結成真文混合百神隱顯內名故太一試觀攝生十方領會洞虛啓誓丹書自無億劫因緣宿名

帝圖不得參見得明篇目九祖同仙當林擇其人應為仙者七百年中清齋十日齋金縉誓心依盟以傳慎之則享祚滿之則禍臻事祚則福延九祖德重山海招禍則考流億劫痛於毒湯風刀相刑可不慎之焉

鬱單無量天生神章第一

帝真胞命元元一黃演之氣混合空洞氣飛英浮幽家延康無期劫眇眇離本條苦魂沈九夜乘晨希陽翹大有通玄戶鬱單降晨宵黃雲凝靈府陰陽氣象交胞元結長命惡根應化消桃康合精延二帝秀玉飄灑慨胞命門精練神不凋九天命靈章生神神自超元君過死路司馬誦洞誥一唱萬真和九徧諸天朝稽首恭劫年慶此紫舊苗

上上禪善無量壽天生神章第二

帝真胎命元洞冥紫戶之氣無量結紫戶氣尊天中王開度飛玄英變化輪空洞故根離昔愛緣本思舊宗幽夜淪遐劫對盡大運通帝真始明精號曰宇元陽嬰

兒史伯華結胎守黃房斬根斷死尸照願養
嬰童禪善導靈氣玄哺飛天芳華景秀玉質
精練自成容務玄育尚生羅列備明堂太虛
感靈會命我生神章一唱動九玄二誦天地
通混合自相和九徧成人功大聖慶元吉散
華禮太空諸天並歡悅一切稽首恭

梵監須延天生神章第三

帝真魂命元長靈明仙之氣
須延總三雲玄元始氣分落落大範布華京
翠玉華明梵飛玄景開度長夜魂遊爽赴期
歸氣氣反故根太帝號陽堂字曰八靈君九
關迴祿道胎氣生上元陵梵度命籍太一輔
精延泥九教帝席三部八景分魂生攝遊氣
九轉自成仙琅琅九天音玉章生萬神三過
列正位氣恭八辰門玄關過死尸靈鎮津液
源應會感靈數明道潛迴輪慶此嬰兒蛟稽
首讚洞文

寂然梵術天生神章第四

帝真魂命元陽尸冥演由之氣
寂然無色宗兜術抗大羅靈化四景分萬條

翠朱霞遊魄不顧反一遊洞群魔神公攝遊
氣飄飄練素華榮芳極劫期乘運應靈園空
洞生神章瓊音遠九霞一唱萬真會奪美合
成家九轉景靈備鬱鬱玉葩兜術開大有
一慶享炸多上聖迴帝駕嬰兒歛以歌不勝
良辰會一切稽首和

波羅尼密不驕樂天生神章第五

帝真藏府命元五仙中靈之氣
繞鍊五帝駕飄飄玄上門遊步黃華野迴靈
驕樂端標集飛空景舊美多不存太微迴黃
旗無英命靈攝攝召長夜府開度受生魂公
子輔黃寧總錄具形神玉章洞幽靈五轉天
地分氣鍊元藏府紫戶自生仙數周聚真會
啓陽應感紫玉女灌五香聖母慶萬年三界
並歡樂稽首禮天尊

洞元化應聲天生神章第六

帝真靈府命元高真沖融之氣
應聲無色界霄映冠十方迴化輪無影冥期
趨道場靈駕不待嚮朗然生神章空洞諒無
崖玄爽亦為攝練胎反本初長乘飛玄梁斷

富養天真散思候履常新伐胞樹澤心遊起
上京願會既玄悟我理兼忘界福九天端
交禮地辰良混化歸元一高結元始玉稽首
偉靈運長謝萬塵張

靈化梵輔天生神章第七

帝真元府命元高仙洞笈之氣
玄會統無崖混氣歸梵輔務猷運靈化潛推
無寒暑乘數構真條袂拂輕羽瓊房有妙
韻汎登高神所圓輪無停映真仙森列序上
上霄衢迴洞元深萬巨秀葉翳翠霞停蔭清
冷渚遊託怡五神繁想嘯明侶五難緣理去
沖心自怡處英魂隨本根慶慶空中處七誦
重關開豁滯非神武運通由中發高唱稽首
舉

高虛清明天生神章第八

帝真華府命元真靈化凝之氣
清明重霄上合期慶雲際玉章散沖心孤景
要靈會煥落景霞布神矜靡不邁玉條流逸
響從容虛妙話靈音操空洞九玄離幽奇感
爽無疑滯去留如解帶明識生神章高遊無

終敗玄景曜雲衢跡超神方外應感無方圓
聊以運四大研心稽首誦衆聖共稱快

無想無結無變天生神章第九

帝真神府命元自然玄照之氣

無結固無情玄玄虛中澄輪化無方序數來

亦巨乘誰云無色平我我多丘陵冥心縱一
往高期清神微良遇非年歲劫數安可稱浮
奕緣故條及胎自有恆靈感洞太虛飛步霄
上水津趣鼓萬流潛凝真神登無愛固無憂
高觀稽首昇

高觀稽首昇

太極真人頌二首

大道雖無心可以有情求付駕空洞中迴
翳滄流淨明三界外蕭蕭玉京遊自無玄挺
運誰能悟冥隙落落天漢澄俯仰即虛素七
玄散幽夜反胎順沈浮冥期苟潛凝陽九無
虞憂親此去來會時復為淹留外身而身存
真仙會良儔
疊疊玄中趣湛湛清漠波代謝若旋環椿水
不改柯靜心念至真隨運順離羅感應理常
通神通速自徂淡遊初無際繁想洞九霞飛

根散玄葉理及非有它常能誦玉章玄音徹
霄霞甲申洪災至控翽王母家承享無終紀
豈知年初多

雲笈七籤卷之十六

正一天師清微弟子 洪百堅 製作
道教學術資訊網站

雲笈七籤卷之十七

優七

三洞經教部

經

太上老君內觀經

老君曰天地構精陰陽布化萬物以生承其
宿業分靈道一父母和合人受其生始一月
為胞精血凝也二月為胎形兆胚也三月陽
神為三魂動以生也四月陰靈為七魄靜鎮
形也五月五行分藏以安神也六月六律定
腑用滋靈也七月七精開竅通光明也八月
八景神具降真靈也九月宮室羅布以定精
也十月氣足萬象成也元和哺食時不停也
太一帝君在頭曰泥丸君總衆神也照生識
神人之魂也司命處心納心源也無英居左
制三魂也白元居右拘七魄也桃孩佳臍保
精根也照諸百節生百神也所以周身神不
空也元氣入鼻灌泥丸也所以神明形固安
也運動住止關其心也所以謂生有自然也
子內觀之歷歷分也心者禁也一身之主禁